



Mahimbing na Pagtulog ni Tinku

Preethi Nambiar

Sonal Goyal, Sumit Sakhuja



 The Asia Foundation



Isang maliwanag na gabi. Lahat ng hayop sa sakahan ng Mangu ay natutulog. Maliban kay Tinku!



Hindi pa ako inaantok, Ina, bulong ni Tinku.
Pero hindi siya narinig ng kaniyang Ina. Ito ay mahimbing nang natutulog.
Si Tinku ay paikot-ikot, mula sa kaliwa at sa kanan. Nahiga siyang nakadapa at nakahilata.
Pero hindi siya makatulog!



Kaya naman siya ay naglakad sa gabi at tiningnan kung ano ang maari niyang makita. Mula sa langit, nakita ni Tinku ang buwan na nakangiti at tila pinagmamasdan siya. Ang saya nang pakiramdam niya. "Maganda ang gabi," ísip-isip ni Tinku.



Malayo sa tuktok ng isang puno, may ilang maliliit na ilaw. Isang ilaw ang lumipad pababa! "Ako ay isang alitaptap," sinabi ng ilaw. "Ako ay nagliliwanag sa dilim!" "Pwede ba kitang maging kaibigan?" tanong ni Tinku. "Oo, pwede!" sabi ng alitaptap.



Mayroong lumipad at nakabitin sa puno. "Anong pangalan mo, ibon?" tanong ni Tinku. "Hindi ako ibon, paniki ako. Nakakakita ako sa gabi!" wika ng paniki. "Puwede ba kitang maging kaibigan?" tanong ni Tinku. "Oo, puwede!" sabi ng paniki.



Gumalaw ang ilang dahon sa talahib.
Mayroon nagtatago! "Sino ka?" tanong ni Tinku. "Isa akong soro," wika ng soro. "Ako ay naglalakad lakad sa gabi." "Puwede ba kitang maging kaibigan?" tanong ni Tinku. "Oo, puwede!" wika ng soro.



Dalawang maningning na mga mata ang tumingin sa kaniya mula sa isang puno. "Sino ka?" tanong ni Tinku.

"Ako ay isang kuwago," sabi ng kuwago. "Naghahanap ako ng pagkain sa gabi."

"Puwede ba kitang maging kaibigan?" tanong ni Tinku.

"Oo, puwede!" sabi ng kuwago.



"CHIRRRRRRP! CHIRRRRRRP!" Sinong nandiyan?
tanong ni Tinku.

"Isa akong kuliglig. "Humuhuni ako kapag
madilim."

"Puwede ba kitang maging kaibigan?" Tanong
ni Tinku.

"Oo, puwede!" sabi ng kuliglig.



Si Tinku at ang kaniyang mga kaibigan ay tumalon at gumulong hanggang siya ay humikab. "Inaantok na ako. Kailangan ko ng umuwi," sabi ni Tinku. Masaya siya na mayroon na siyang maraming bagong kaibigan.

Tumabi siya sa kaniyang Ina, wika niya, "Ang gabi ay hindi malungkot, Ina. Ang gabi ay puno ng magagandang nilalang."

"Oo!" sambit ni Ina. "Ang mga bago mong

kaibigan ay panggabi, gaya ng mababangis na aso."



"Ang mga hayop sa gabi ay kumakain, naglalaro at nagtatrabaho sa gabi. Nagpapahinga sila sa maghapon. Dapat kang matulog ngayon. Ang pagtulog ay magbibigay sa iyo ng lakas upang makapaglaro kasama ang iyong mga kaibigan bukas ng umaga. Mahimbing na pagtulog, anak!" sabi nito, niyakap siya ng mahigpit.



Ang buwan ay patuloy na lumiwanag buong gabi, at kalat na kalat ang kaniyang kalmadong ilaw. At si Tinku ay mahimbing nang nakatulog sa gabi.

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.

To read more books like this and get further information,
visit: letsreadasia.org

Original Story

Mahimbing na Pagtulog ni Tinku (*Goodnight, Tinku!*). Author: Preethi Nambiar. Illustrator: Sonal Goyal, Sumit Sakhuja.

Published by Pratham Books, © Pratham Books. Released under CC-BY-4.0.

This work is a modified version of the original story. @ The Asia Foundation, 2022. Some rights reserved. Released under CC-BY-4.0.



For full terms of use and attribution,
<http://creativecommons.org/licenses/by/4.0/>

Contributing translators: Chona Angeles, Alyssa Palma, and Wilson Eraldo